

ԼՈՒՍԱԿԵՐՏԻ ՃԱՐՏԱՐԱՊԵՏԱԿԱՆ ԵՐԿՈՒ ՀՈՒՇԱՐՁԱՆՆԵՐ

Մ. Մ. ՀԱՍՐԱԹՅԱՆ

1971 թ. ամռանը ՀՍՍՀ ԳԱ արվեստի ինստիտուտի ճարտարապետության բաժնի կազմակերպած գիտարշավի ընթացքում ուսումնասիրվեցին և չափադրվեցին Լուսակերտից ոչ հեռու, Հրադդանի ձորում տեղադրված Կարենիսի վանքը և Լուսակերտի միանավ դահլիճը: Երկու հուշարձաններն էլ իրենց հորինվածքի մի շարք առանձնահատկություններով բավական հետաքրքրական և արժեքավոր են վաղ միջնադարի հայ ճարտարապետության պատմության համար: Սակայն դրանք մինչև այժմ չեն ուսումնասիրվել և ներկայացվել մասնագիտական դրականության մեջ:

Վանքի մասին պատմիչները, ճանապարհորդները, ազգագիրները հիշատակում են տարբեր անուններով՝ Կարենիսի, Առաքելոց, Մաթևոս ավետարանիչի ու Անդրեյ առաքյալին նվիրված: Ըստ Շահաթունյանցի, այն Կարենիսի է կոչվում մոտակա Գյումուշ գյուղի անունը նախկինում Կարենիս լինելու պատճառով: Մեսրոպ արքեպիսկոպոս Սմբատյանցը նշում է, որ վանքը «...շինուած է յանուն սուրբ Մատթեոսի ավետարանչին, սուրբ Անդրեի առաքելոյն»¹: Միաժամանակ երկու անուններով՝ Կարենիսի և Առաքելոց, անվանվում է «Ջամբուռում»², Սոսկ Առաքելոց է կոչում Առաքել Դավրիժեցին և միաժամանակ նշում, որ այնտեղ պահվել են Մաթևոս ավետարանիչի և Անդրեյ առաքյալի մասունքները³: Կարենիսի վանքը հիշատակվում է նաև Ալիշանի⁴ և էփրիկյանի⁵ աշխատություններում:

Այս վանքն ուշ միջնադարում ոչ միայն հայտնի է եղել, այլև հարուստ էր՝ ունեցել է երեք ջրաղաց Կարենիս գյուղում, այգի և ձիթհանք Օշականում⁶, ինչպես նաև «...վիճակս յերկրոջս Երևանու զԿարենիս և զՂարաօրան գիւղս»⁷:

Կարենիսի վանքը գտնվում է Գյումուշի հիդրոէլեկտրակայանից հյուսիս, Հրադդանի ձորում: Նրա երբեմնի համալիրից պահպանվել են եկեղեցին և արևմուտքից կցված գավիթը:

Եկեղեցին ունի թաղածածկ դահլիճի հորինվածք, չափերը մեծ չեն (արտաքին չափերն են 4,90×7,70 մ), կառուցված է տեղական կարմիր տուֆի սրբատաշ քարերից և բավական լավ է պահպանվել: Աղոթասրահը (ներսի չա-

1 Հո վ հ ա ն ն ե ս ե պ. Շ ա հ խ ա թ ու ն ե ա ն ց, Ստորագրութիւն կաթողիկէ էջմիածնի և հինգ զաւուացն Այրարատայ, հ. Բ, էջմիածին, 1842, էջ 206—207:

2 Մ ե ս ռ ո վ ը ար ք ե պ ի ս կ ո պ ո ս Ս մ բ ա տ ե ա ն ց, Տեղեկագիր Գեղարքունի ծովադարձ գավառի, որ այժմ նոր Բայազետ գաւու, էջմիածին, 1895, էջ 307:

3 Ս ի մ ե ո ն կ ա թ ո ղ ի կ ո ս, Ջամբու, էջմիածին, 1873, էջ 141:

4 Պատմութիւն Առաքել վարդապետի Դարիժեցւոյ, էջմիածին, 1896, էջ 179:

5 Ա լ ի շ ա ն, Այրարատ, Վենետիկ, 1890, էջ 288:

6 Հ. Ս. էփրիկյան, Պատկերազարդ բնաշխարհիկ բառարան, Վենետիկ, 1889, Բ, 297—98:

7 «Ջամբուռ», էջ 141:

8 Նույն տեղում, էջ 282:

փերը $3,50 \times 6,45$ մ) արևելքից ավարտվում է թեթևակի պայտածե հատակագիծ ունեցող արսիդով և դրսից ներառված է արտաքին պատերի ուղղանկյան մեջ: Պատերը հաստ չեն ($0,7-0,8$ մ), որի հետևանքով հիմնական կրող զանգվածը ոչ միայն միջի կրաքետոնն է, այլև երեսպատման որմնաքարերը: Մաքուր տաշած քարերից են իրականացված ինտերյերում ինչպես պատերը, այնպես էլ արսիդը և ծածկի թաղը: Հուշարձանը ներսից սվաղված է եղել, որից այժմ հետքեր են մնացել: Եկեղեցու մուտքերից պահպանվել է միայն հարավայինը ($1,20$ մ լայնությամբ), իսկ արևմտյանը, որը բացվել է դեպի գավիթը, ամբողջովին քանդված է: Լուսամուտները երկուսն են՝ հարավային և արևմտյան պատերում և բավական լայն են: Ուշագրավ է, որ արսիդը կառուցված է առանց լուսամուտի:


Կարենիսի վանքի եկեղեցին չունի զարդաքանդակներ: Նրա արտաքին ճակատները զուսպ են և լուծված առանց հարդարանքի: Նույնիսկ հարավային մուտքը ոչնչով չի շեշտվում: Միակ ճարտարապետական մանրամասը հարավային լուսամուտի երեսակալն է, որն ունի կիսազլանիկով պարզ տրամատ: Նույնպիսի տրամատ ունի նաև կառուցվածքի քիվը: Նման քիվերի և բարավորների հանդիպում ենք Հայաստանի VI—VII դդ. մի շարք հուշարձաններում (Պտղնի, Գայանե, Հռիփսիմե):

Կարենիսի վանքի ճարտարապետական ընդհանուր հորինվածքի ուշագրավ առանձնահատկություններից է եկեղեցու ներսում տոբագետնյա դամբարանի առկայությունը: Այն փոքր, թաղածածկ մի տարածություն է, որն արևելքից վերջանում է գմբեթով ծածկված արսիդով: Մուտքը եկեղեցու արևմտյան կողմից է: Դամբարանը կառուցված է փոքր չափի, աղյուսի նման մշակված բազալտե քարերից և տեղադրված է եկեղեցու ընդերկայնական առանցքով, աղոթասրահի հատակի տակ: Ունի երկու խորշ՝ մեկը արսիդում, մյուսը՝ ավելի մեծը, հարավային պատում, որտեղ և հավանաբար պահվել են մասունքները, Քերենք Մ. Սմբատյանցի նկարագրությունը, որի այցելության ժամանակ ինչպես եկեղեցին, այնպես էլ դամբարանը ավելի բարվոք վիճակում են եղել: «Կարենավանից տաճարի սեղանոյ ներքոյ կայր փոքրիկ պահարանածև խորան, որպէս Օշականայ եկեղեցւոյն, և խորանի մեջ մի շատ փոքրիկ դռնակ էր երևում, որ տաներ հարաւային կողմից եկեղեցւոյ ներքև. որով մի մարդ հագիվ կարող էր մտնել ու ելնել: Իհարկե, ժամանակով երբեմն պահուած է եղել այս պահարանին մեջ սրբոց մասունքներ, ինչպես Առաքել պատմագիր վարդապետն Դավրիժեցի գրե...»⁹: Պատմիչը հիշատակում է, որ XVII դ. սկզբին, Մելիքսեթ կաթողիկոսի գահակալության տարիներին, կաթողիկ միսիոներները այցելել են Կարենիս և վանքից հափշտակել Անդրեյ առաքյալի մասունքները, որոնք պահված են եղել «... ի ներքոթ բնմին...»¹⁰:


Դամբարանի հիմնական մուտքը եղել է արևմտյան կողմից՝ եկեղեցու աղոթասրահից: Այդ մասին է վկայում դեպի դամբարան տանող ոչ մեծ թաղածածկ անցումը, որտեղ և տեղադրված են դեպի ներքև տանող աստիճանները: Ինչ վերաբերվում է Սմբատյանցի նշած հարավային մուտքին, ապա դա տեղում պահպանված այն խորշն է, որն իր փոքր չափերով դժվար թե որպես մուտք ծառայեր: Ճիշտ է, Հայաստանի V—VII դդ. դամբարանները, որոնց

⁹ Սմբատեանց, Գեղարքունի, էջ 308:

¹⁰ Առաքել Դավրիժեցի, Պատմութիւն..., էջ 179:



Նկ. 1. Կարենիսի վանքի ընդհանուր տեսքը հարավ-արևելքից



Նկ. 2. Կարենիսի վանքի հատկագրի ձևը

վրա հետագայում եկեղեցիներ են կառուցվել (Օշական, Հռիփսիմե, Գայանե), մուտք ունեն հյուսիսային կամ հարավային ավանդատներից, սակայն Թ. Թորամանյանի հետազոտությունները ցույց են տվել, որ, օրինակ Հռիփսիմեի դամբարանի սկզբնական մուտքը եղել է արևմուտքից՝ աղոթասրահից. Մյուս սենյակին (դամբարանի) արևմտյան կողմը եթե լավ քննենք, կտեսնենք, որ սրբատաշ քարով շատ խնամքով փակված մի դուռ կա, որը... այժմ փակ է... մանրակրկիտ քննությունները և չափերը ցույց տվեցին, որ շատ հին ժամա-

նակ գերեզմանը շինված է եղել ուղղակի բեմին ներքև և գերեզմանի մուտքը եկեղեցվո բեմին առջևից էր»¹¹։

Կարևոր է եկեղեցու և դամբարանի կառուցման ժամանակաշրջանի հարցը։ Կարենիսի վանքի եկեղեցու ճարտարապետական ողջ հորինվածքը և նրա առանձին մանրամասերը (աբսիդի հատակագծի և բեմի կամարի պայտաձևությունը, լուսամուտների լայն բացվածքները, աբսիդում լուսամուտի բացակայությունը, VII դ. հուշարձաններին բնորոշ տրամատ ունեցող քիվը և լուսամուտի երեսակալը, կառուցողական տեխնիկան) միանգամայն թույլ են տալիս հուշարձանը թվագրել ոչ ուշ, քան VII դ.։

Կարենիսի եկեղեցին իր մի շարք առանձնահատկություններով կարևոր տեղ է գրավում վաղ միջնադարի հայ ճարտարապետության հուշարձանների շարքում։ Ամենից առաջ այն կոնսկերտի IV դ. եկեղեցու հետ մեզ հայտնի այն եզակի միանավ թաղածածկ դահլիճներից է, որն անաղարտ պահպանել է իր նախնական ծավալային-տարածական ամբողջ հորինվածքը։ Բացառիկ է նաև աբսիդում լուսամուտի բացակայությունը՝ նման երևույթ Հայաստանի վաղ միջնադարի պաշտամունքային կառուցվածքներում հանդիպում ենք միայն Ջարջառիսի միանավ դահլիճում։ Եվ, վերջապես, աղոթասրահում դամբարանի գոյությունը Կարենիսի եկեղեցին դասում է Հայաստանի VII դ. այն սակավաթիվ հուշարձանների թվին, որոնք ունեն նման ստորգետնյա կառուցվածք (Հոփսիսի և Գայանե տաճարներ)։

Կարենիսի վանքի գավիթը ուշ միջնադարի կառուցվածք է։ Այն ուղղանկյուն, համարյա քառակուսի շինություն է (արտաքին չափերն են $8,8 \times 9,70$ մ), Գավիթը կառուցված է բազալտի անմշակ և կիսամշակ քարերից, կրաշաղախով և հիմնականում լավ է պահպանվել՝ վնասված են միայն տանիքը և արևմուտյան ու հարավային պատերի վերին մասերը։ Գավիթի ներսում՝ հյուսիսային և հարավային պատերից դուրս են գալիս երկու զույգ հաստահեղույս որմնամուկներ, որոնց միջև ձգված կամարների վրա քարձրանում է փմբեթը։ Մուկների միջև, ինչպես նաև մուկների և արևելյան ու արևմտյան պատերի միջև ստացվող խորշերը ծածկված են թաղերով։ Անցումը՝ փմբեթատակ քառակուսուց դեպի փմբեթն իրականացված է առագաստների միջոցով։ Կառուցվածքում տարբեր շինանյութեր են օգտագործվել։ Այսպես, եթե գավիթի պատերը, կամարները և թաղը բազալտից են, ապա փմբեթի առագաստները շարված են մաքուր տաշված տուֆով։ Տարբեր է նաև բազալտի մշակման աստիճանը՝ գավիթի անկյունները, մուտքը, կամարները շարված են մաքուր տաշված բազալտից, իսկ պատերը և թաղերը՝ կոպտատաշ կամ չմշակված բազալտից ու որձաքարից։ Գավիթի պատերում օգտագործվել են XV—XVI դդ. գերեզմանաքարեր և խաչքարեր (որմնամուկներից մեկում ագուցված խաչքարը 1567 թ. է)¹²։ Այս երևույթը, ինչպես և գավիթի կառուցողական տեխնիկան բնորոշ են Հայաստանի XVII—XVIII դդ. ճարտարապետությանը։ Հավանական է, որ գավիթը կառուցվել է XVII դարի սկզբին՝ Կարենիսի առավել բարգավաճման տարիներին։

¹¹ Ք ո Ր Ո Ք Ք ո Ր ա մ ա ն յ ա ն, Նյութեր հայկական ճարտարապետության պատմության, հ. 2, Երևան, 1942, էջ 293։

¹² Ս մ Բ ա տ ե ա ն ց, Գեղարքունի, էջ 307։

ինչպես տեսանք, Կարենիսի վանքի գավիթն ունի գմբեթավոր դահլիճի հորինվածք։ Դա քաշ ծանոթ էր միջնադարյան հայ ճարտարապետությանը դեռ ՄԻ դ. սկսած և մեծ տարածում է ստանում IX—XIV դդ. վանքային համալիրներում։ Սակայն եթե այդ հորինվածքը լայնորեն կիրառվել է պաշտամունքային կառուցվածքներում, ապա աշխարհիկ շինություններում, մասնավորապես գավիթներում այն չի հանդիպում։ X—XIV դդ. գավիթները պատկանում են հետևյալ հիմնական տիպերին՝ քառասյուն, երկսյուն, խաչվող կամարներով, արտաքին պատերի վրա նստող ծածկով, միանավ և եռանավ դահլիճներ, ինչպես և գավիթ-սրահներ¹³, Իսկ ուշ միջնադարի գավիթներն ունեն քառամույթ կառուցվածք (Վարազավանք, Նարեկավանք, Աղթամար) կամ սրահաձև են (Մուղնու վանք, Երեւանի Զորավոր, Շատին վանք, Տաթևի Մեծ անապատ և այլն)։ Հետևաբար, Կարենիսի վանքի գավիթն այս տիպի կառուցվածքներից առաջին մեզ հայտնի այն միակ օրինակն է, որն ունի գմբեթավոր դահլիճի հորինվածք։

Լուսակերտից հյուսիս-արևելք, Հրազդանի ձորալանջին գտնվում է վաղ միջնադարի հայ ճարտարապետության մի ուրիշ հետաքրքրական և արժեքավոր հուշարձան:


Լուսակերտի (Գյումուշի) միանալ սրահը չի հիշատակվում պատմիչների և ազգագիրների մոտ: Սմբատյանցը միայն նշում է, որ գյուղում կա «...մի հին սրբատաշ քարով շինած եկեղեցի... ամենևին դրածոյ նշան չերեցավ որմանց և դրանց վերայ»¹⁴:

Հուշարձանն ունի պարզ կառուցվածք՝ այն արեւելքից արեւմուտք ձգված ուղղանկյուն դահլիճ է (չափերը՝ 4,90×8,20 մ), որն արեւելյան կողմում ավարտվում է ներսից խիստ շեշտված պայտաձև հատակագիծ ունեցող աբսիդով: Լուսակերտի միանավ սրահն ունեցել է շինարարական երկու շրջան: Նախնական հորինվածքից ողջ պարագծով պահպանվել են մեկից երկու մետր բարձրությամբ պատերը, կառուցված՝ կուպիտ մշակված և անմշակ բազալտ քարից, կրաշաղախով: Սրահի աբսիդը ներսից նույնպես պայտաձև է, իսկ դրսից կիսաշրջանաձև: Այս բազալտակուռ պատերի վրա բարձրացվել են սլոբ-բատաշ տոֆ քարից շարված, բավական հաստ պատեր (լայնությունը 1,22 մ), իրականացված կանոնավոր շարքերով: Ուշագրավ է վերակառուցված մասի աբսիդի եզրանկարը դրսից, որովհետև բազալտի կլոր պատերի վրա բարձրացվել է արդեն բազմանիստ (յոթանիստ) աբսիդ:


Հուշարձանն ունի միայն մեկ մուտք՝ հարավից, որի պարզ ուղղանկյուն բացվածքը (1,15 մ լայնությամբ) ծածկված է մեկ ամբողջական բարավորով։ Վերջինս տուֆ քարի մեծ շափերի մի հեծան է, քանդակազարդ ճակատով։ Լուսամուտները երկուսն են՝ արևմտյան պատում և արսիդոսք, դրանք լայն են և, զեպի ներս թեթևակի նեղացած։ Վերակառուցման ժամանակ հուշարձանի երկայնական պատերի ներսում կցել են մեկ զույգ որմնասյուներ, որոնց վրա հանդչել է թաղակիր կամարը։ Որմնասյուները տուֆից են և եթե դրանք պատերի վերին մասի հետ օրգանապես կապվում են, ապա ստորին, բազալտի շարված պատերի հետ կոնստրուկտիվ կապ չունեն։

¹³ С. Х. М н а ц а к а н я н, Архитектура армянских притворов, Ереван, 1952, стр. 15.

14 Ս Տ Բ ա տ Է. ա Ն ց, Գեղարքունի, էջ 307:



Նկ. 3. Հուսակերտի միանավ դահլիճի ընդհանուր տեսքը



Նկ. 4. Հուսակերտի միանավ դահլիճի հատակագիծը.
ա) մինչև վերակառուցումը, բ) V դ. վերակառուցումից հետո:

տարածական առանձնահատկություններով: Ինչպես տեսանք, կառուցվածքի տուֆաշեն մասի պայտածե արսիդը դրսից բազմաճյուղ է: Հայաստանի IV—VII դդ. միանավ դահլիճների մեծամասնության արսիդները դրսից վերցված են արտաքին պատերի ուղղանկյան մեջ և աղոթասրահի հետ օրգանական միասնություն են կազմում (Կառնուտ, Լեռնակերտ, Գառնի, Թանահատ, Ագարակ, Դպին, Էջմիածին, Ավան և այլն): Սակավաթիվ են այն միանավ կառուցվածքները, որոնց արսիդի ծավալը ելնում է աղոթասրահի ընդհանուր ծավալից դուրս և արտաքուստ բազմաճյուղ է: Այդպիսի հուշարձաններից են Հայաստանում Ջարջառիսի, Ջրվեժի, Ողջաբերդի V դ. եկեղեցիները (ըստ Ն. Տոկարսկու, Ողջաբերդի եկեղեցին հայ ճարտարապետության առաջին գմբեթավոր հուշարձաններից է)¹⁸:

Լուսակերտի միանավ դահլիճը վերակառուցումից հետո ստացել է այսնույն հորինվածքը և ունի համարյա նույն չափերը, ինչ Ջրվեժի եկեղեցին (միայն այն տարբերությամբ, որ Ջրվեժի, ինչպես և Ջարջառիսի արսիդները հընգանիստ են, իսկ Լուսակերտինը՝ յոթանիստ)¹⁹:

Սակայն մինչև վերակառուցումը Լուսակերտի միանավ դահլիճի նախնական հորինվածքը դրսից ունեցել է ոչ թե բազմաճյուղ, այլ կլոր արսիդ: Սա արդեն խիստ հազվագեղ բրեւոթ է վաղ միջնադարի հայ ճարտարապետության նույնատիպ հուշարձանների համար: Մեղ հայտնի մյուս օրինակը գտնվում է Գորիսի շրջանի Վերիշեն գյուղում: Գյուղամիջում այժմ կանգուն Ս. Հովհաննիսյան եկեղեցին հիմնովին վերակառուցվել է XVII դ. և ամենամեծն է միանավ թաղածածկ դահլիճների շարքում (ընդհանուր երկարությունը՝ 27,30 մ): Ուղղանկյուն դահլիճը (4,6×19,3 մ չափերով) արևելքից ավարտվում է դրսից և ներսից կիսաշրջանաձև արսիդով: Երկայնական պատերը ներսում շլատվում են շորս զույգ որմնամուկներով, որոնց միջև ձգված կամարներով, պատերին կից, ստացվում են հնգական խորշեր: Թաղակիր կամարներ չկան: Հարավային պատում պահպանվել են նախնական կառուցվածքի արևմտյան անկյունը և մուտքը, որն ուղղանկյուն բացվածքի երկու կողմերում ունի կալունակներ (Միծեռնավանքի նման), վրան քանդակված շրջանագծի մեջ ներգծված վեց թերթիկանի վարդյակներ: Պատերի մեջ օգտագործվել են նաև հնադրյան կառուցվածքի բեկորներ, որոնք բնորոշ են վաղ միջնադարի հայ ճարտարապետությանը:

Դրսից կիսաշրջանաձև արսիդ ունի Վրաստանի V դ. վերջին քառորդում կառուցված Բոլնիսի Սիոն եռանավ բազիլիկան: Միայն Բոլնիսի հուշարձանը կառուցված է սրբատաշ քարերից, իսկ Լուսակերտի եկեղեցու նախնական հորինվածքը կառուցված է կոպիտ մշակված բազալտե քարերից և որձաքարից: Նման շինարարական տեխնիկան կիրառվել է ինչպես ուրարտական, այնպես

¹⁸ «Археологические раскопки в Армении, № 11», Н. М. Токарский, Джрвеж, Вохджаберд, Ереван, 1964, стр. 56—70.

¹⁹ Հայ ճարտարապետական հուշարձաններում բազմաճյուղ արսիդ ունեն նաև Շողագավանքի ու Արտաշատի շրջանի Իմիրզեկ գյուղատեղի եկեղեցիները: Հստ Հայաստանի հուշարձանների պահպանության վարչության արխիվի չափագրության, վերջինս ունի 1:2 հարաբերությամբ ուղղանկյուն դահլիճ, որն արևելքից պսակվում է ներսից պայտածե, դրսից հնգանիստ արսիդով: Թաղածածկ է, որմնամուկների վրա հանգչող մեկ թաղակիր կամարով: Միակ-դուռը հյուսիսից է: Շենքի տարածական-ծավալային հորինվածքը հանգչում է եռաստիճան գետնախորհի վրա:

ԼՂ հելլենիստական և նախաքրիստոնեական հայ ճարտարապետության մեջ, Իսկ վաղ միջնադարից մեղ հասած միանավ դահլիճները և եռանավ բազիլիկաները Հայաստանում հիմնականում կառուցված են սրբատաշ քարերից, Հետևաբար, կարելի է ասել, որ մինչև V դ. հայ ճարտարապետության մեջ, թեպետ և սահմանափակ, կիրառվել է պաշտամունքային կառուցվածքները կիսամշակ և անմշակ քարերից իրականացնելու եղանակը:

Այն փաստը, որ Լուսակերտում որմնամուկները ավելացվել են վերակառուցման ժամանակ և նախնական հորինվածքը առանց թաղակիր կամար է եղել, հիմք է տալիս կարծելու, որ հուշարձանը սկզբում ունեցել է փայտե ծածկ:

Լուսակերտի եկեղեցին, որը կառուցվել և վերակառուցվել է V դ. ոչ ուշ, ձևերով պարզ է, ոչ մեծ չափերի, հարուստ չէ հարդարանքով: Բայց շնայած դրան, այն հայ ճարտարապետության կարևոր հուշարձաններից է և գալիս է լրացնելու Հայաստանի վաղ միջնադարի միանավ դահլիճների հորինվածքի զարգացման պատմությունը:

ДВА АРХИТЕКТУРНЫХ ПАМЯТНИКА ЛУСАКЕРТА

М. М. АСРАТЯН

Р е з ю м е

Летом 1971 г. автором статьи были обмерены и изучены два памятника архитектуры Армении раннего средневековья, неизвестных в научной литературе. Один из них—монастырь Каренис, расположен севернее Гюмюшской ГЭС, в Разданском ущелье. Из комплекса сохранились церковь, имеющая композицию сводчатого зала, и примыкавший к ней с западной стороны притвор. Архитектурный анализ церкви Карениса позволяет ее датировать первой половиной VII в. Памятник имеет ряд особенностей, которыми выделяется в зодчестве Армении: церковь, в отличие от других сводчатых залов этой эпохи, сохранила свою первоначальную объемно-пространственную композицию. Она, как и Джарджарисская церковь, лишена окна с восточной стороны. И, наконец, наличие крипты в зальной части ставит церковь Карениса в один ряд с немногими аналогичными памятниками Армении VII в.

На северо-востоке Лусакерта, у бровки Разданского ущелья, находится небольшая однефная церковь, которая имеет важное значение в истории армянской архитектуры раннего средневековья. Верхняя, реконструированная в V веке часть церкви, построена из чистотесанного туфа и имеет простую композицию—прямоугольный зал завершается с востока подковообразной абсидой, выступающей наружу семью гранями. Орнамент резьбы перемычки единственного входа повторяет резьбу тимпанов западных входов Ереруйской базилики—известного памятника Армении V века. Нижняя же часть церкви построена из грубо околотового базальта и имеет полукруглую снаружи абсиду. Такая форма абсиды, а также строительная техника первоначального сооружения Лусакертской церкви, не имеют аналогии среди известных нам культовых зданий Армении первых веков после принятия христианства.